

Storian blong MANEJEM RISOS BLONG YU



This booklet was produced by Vanuatu Fisheries Department and cChange with support from the Locally-Managed Marine Area Network International (LMMA Network) and the Pacific Community (SPC) through the Pacific-European Union Marine Partnership (PEUMP) programme with financial support from the European Union and the Government of Sweden. Its contents are the sole responsibility of cChange. The views in this booklet do not necessarily reflect those of the European Union and the Government of Sweden.

© 2024 Vanuatu Fisheries Department, cChange, LMMA Network International and the Pacific Community

All rights reserved. No part of this booklet may be reproduced in any form or by any electronic or mechanical means, including information storage and retrieval systems, without permission. Permission can be granted for educational and other non-commercial uses. Permission to reproduce the document and/or translate in whole, in any form, whether for commercial/for-profit or non-profit purposes, must be requested in writing. Original artwork may not be altered or separately published without permission.

Enquiries on rights and permission should be made to info@cchange4good.org

All fish and marine species illustrations by were reproduced in this guide with permission of the Pacific Community (SPC) and cChange, unless otherwise noted. Photo sources are acknowledged where necessary.

ABOUT THIS BOOKLET & ACKNOWLEDGEMENTS

Storian blong manejem risos blong yu is showcasing the Vanuatu way of working together to improve and protect our marine resources. The power of the campaign ultimately lies in the people and communities who help spread the message on how communities can get better catches. Share and use this *Storian blong manejem risos blong yu* to help sustain and conserve their coastal resources.

Tankio tumas i go long Vanuatu Fisheries Department, The Ministry of Agriculture, Livestock, Forestry, Fisheries, and Biosecurity (MALFFB) Ministry of Climate Change, Department of Environment and their provincial government and non-government partners who have informed this booklet. This coalition is working towards scaling-up CBFM so that no community goes without receiving information to make informed resource management decisions.




Seksen 1

I GAT WAN PROBLEM YA?



Taem yumi stap tokbaot fiseris manejmen, hemia nao olgeta ansa we plante team yumi stap harem.



Taem yu askem wan olfala long wan komiuniti se kompea long taem bifo mo tede, yu luk se saes blong olgeta fis i stap semak yet?

1980

2000

2020

MI LUK
PLANTE FIS

YUMI GAT INAF

I HADWOK WEH
BLONG KASEM
FIS TEDE



Naoia blong wan fisaman hemi kasem gud fis blong famli i save
kakai mo mekem smol selen blong hem, hemi kam moa sas mo
had from yumi mas go aotsaed mo spendem plante mane long fuel
nomo.




1980



2000




2020



From wanem fis i hadwok blong kasem tede?



From populesen blong yumi i stap go andap everi yia i mekem se fising aktiviti tu i go antap long every ples.




Vanuatu national population (source: Pacific Community and the Vanuatu Bureau of Statistics 2022).



Praes blong olgeta samting long sto tede i go antap i mekem se olgeta man oli mas fising plante blong salem blong sapotem famili blong olgeta.



Wetem niufala teknoloji tede laef blong olgeta fisaman i kam moa isi, mo naoia i gat bigfala wari se bambae olgeta fising graon oli still prodiusum olgeta sem saes fis ya yet o nogat, blong wan fisaman i save sapotem famili tede mo tumoro i go.




Olgeta haus blong fis, everi dei oli fesem plante jalenj.



Olgeta natongtong oli olgeta haus blong fis mo bebe krab. Taem yu stap katem daon olgeta natongtong blong bildim haus o mekem faewud long hem, yu stap distebem laef blong olgeta animol ya.

Posen sta fis hemi stap kakai ol bebet we oli stap makem korel i gru mo stap kilim ded korel long olgeta rif blong yumi.

Klaemet jenis i mekem se solwota i hot mo olgeta haus blong fis olsem korel oli stap ded.




Fasin blong brekem laef korel o karem olgeta bigfala ston insaed long solwota blong bildim olgeta si wol, i stap spoilem haus blong olgeta fis.




Fasin blong kapsaedem oil, sisit blong man o animol mo yusum fetelaesa blong mekem faming, i save luk olgeta toti ya oli go end up long solwora wan dei mo spoilem haus blong olgeta fis.

Sakem plastic botel o bag, kontena, drum, filta blong sigaret, tin drink olsem coca cola, mo eni nara toti we i save flot i save kosem damej long haus blong fis.



Sam fis method olsem, aeyan blong stikim aot natalai long rif hemi save spoilem korel mo kilim ided.


Long taem blong tede, olgeta fasin blong bifo yumi stap lusum olgeta finis. Fasin blong protektem solwota wetem leaf namele, samtaem i hadwok blong olgeta man oli rispektem. Hemia i wan samting we i stap kosem namba blong olgeta fis i go daon.



STORIAN

Hemi impoten blong olgeta komiuniti oli staon mo tokbaot olgeta jalenj mo eksperiens we oli stap fesem.

**Yumi save seraot long
olgeta smolsmol grup mo
yumi tokbaot olgeta jenis ya
we yumi luk i stap happen
raon long yumi?**



Seksen 2

WANEM NAO YUMI SAVE MEKEM ABAOT NAMBA BLONG OLGETA FIS WE I STAP GO DAON?

YUMI MAS PUTUM
HAN TUGETA



Wanem nao yumi save mekem naoia blong addressem isiu blong namba blong fish i stap go daon?

Ples ya nao yumi lukim toktok ya Kominiuti Beis Fiseries Manejmen (long English lanwis 'Community-Based Fisheries Management (CBFM)') i kam insaed long hem.

CBFM hemi kivim raet blong komiuniti i save takem pat blong mekem desisen long komuniti level blong manejem risos blong olgeta. Hemiminim se oli save pat blong mekem sam manejmen rul blong mekem sua se i gat inaf risos blong tumuro i stap.

Long olgeta nekis peij bambae yumi save lukim samfala manejmen rul we olgeta komiuniti oli mekem blong manejem olgeta risos blong olgeta.



YU WANTEM SAVE MOA

Visitim SPC's Echoes of Oceania website & search Infosheets for fishing communities.

cbfm.spc.int




BLOKEM SMOL TAEM

- Sam long ol manejmen aksen o fasin we komuniti i save praktisim blong manejem risos blong olgeta.
- Protektem fis long taem we I makem pikinini
 - Yumi yusum blong protektem olgeta fis we oli redi blong mekem bebe mo oli stap swim long heap oltaem. Spos yumi allowem olgeta blong mekem bebe bambae yumi save helpem populesen blong olgeta i go antap.
- Yumi blokem rif lontaem yumi save se posen blong fis i bigwan.
- Kastom praktis olsem taem wan jif i ded o wan aktiviti blong wan mared long end blong yia oli pripea from stat long yia i go.



BLOKEM I STAP

- Save putum tabu long wan eria blong man ino makem eni fising aktiviti long hem.
- Sam long ol ples we igat kastom tabu stap long hem.
- Solwota we yumi blokem blong 3 o mo yia, blong mekem se populesen blong risos i go antap. From plante risos long solwota oli save makem pikinini mo kam bak plante.
- Grin snel, natalae, kokonat krab, troka mo si kukumba hemi samfala risos we nationali yumi blokem o manejem blong mekem se i gat inaf blong tumoro blong yumi.



Stret saes = 1km^2 blong shel

Stret saes = 2km^2 blong fis

STOPPEM DAEVA LONG NAET

Olgeta fasin blong havest we i stap spoilem haus blong risos mo daonem namba blong olgeta.

Daeva long naet isave lid i ko lo ova fishing, be hemia I dipen plante nao long Manejmen Plan blong wan tabu eria.



Bannem net we yumi stap pulum long sanbis i saes blong net i mas ova 50 mili, mo hemia we yumi stap sakem ova long fis bambae saes blong hem i mas ova 20 milimita.

Fasin blong bildim fanis blong fis long rif we I kasem bigfala mo smolsmol fis.

Fasin blong poisonem fis long rif wetem kastom fasin.

Fasin yusum kro ba o wan samting blong brekem rif mo karem shello nawita.



KAJ LIMIT

Putum limit long hamas risos yu save havestem.

Long Vanuatu yumi yusum sistem ya long kokonat krab mo si kukamba, taem we yumi openem sisen blong olgeta, komiuniti oli save karem hamas nomo, oli no save karem ova, mo Fisaris Dipatmen nao hemi talem hamas we oli save karem. Long saed blong si kukamba, yu save karem hamas nomo we i alaow long wan manejmen eria nomo, yu no mas ko ova long manejmen eria ya.



No karem, kilim, hollem taet, salem o pem eni si kukumba taem sisen blong hem i klos.

**BANNEM
OLGETA RISOS
WE I STAP REDI
BLONG FINIS**

- Putum tabu long olgeta risos we kolosap i finis.
- Bannem havest blong olgeta fis mo risos we kolosap oli stap finis.
- Follem loa oltaem, long taem blong havestem si kukumba, troka, naura, bubu shell, totel, grin snell, kokonat krab, mo natalae.



**MINIMAM
SAES**

- Putum saes limit long olgeta risos blong alawem olgeta i go kasem stej we oli save mekem bebe.
- Yusum olgeta bigfala huk mo bigfala saes net blong kasem olgeta fis we oli bigwan inaf blong mekem bebe.
- Follem mimum saes limit, long taem blong havestem krab kokonas, si kukumba mo olgeta shell.




JUSUM WANEM BLONG KAREM

- Jusum stret saes blong havestem.
- No tekem ol woman krab blong natongtong or no havestem olgeta naura o krab we oli gat egg.
- Bannem havest blong blu fish. Blu fish i tekem long taem blong oli save mekem bebe. Taem yumi karem olgeta bigfala man blu fis i save distebem populesen blong olgeta.




RISPEK- TEM HAUS BLONG FIS

- Protektem ol mein haus blong fis mo no damejem blong fis i save gru tru long ol difren lakt stafe blong hem. Olsem exampol, sam fis oligusam natongtong taem ol. Smol, atta oli mur iko long sigra eria smol taem mo mur iko long korel taem oli bikwan.



PROTEKTEM NATONGTONG



PROTEKTEM SI GRAS



PROTEKTEM KOREL

Wanem nao yumi save mekem abact namba blong olgeta fis we i stap go daon?

STOPPEM OL FASIN BLONG DAMEJEN RIF

Stoppem olgeta fasin blong mekem groan i go down long solwata we i save spoilem haus blog ol fis.

Olgeta krik mo riva oli stap transpotem olgeta kemikel, doti o graon we olgeta fama oli yusum mo blong fam wetem i go long solwota mo damejem olgeta haus blong fis.


- Eria blong kwari l no mas stap kolosap long wan krik
- Muvum aot olgeta fanis blong pig, faol mo buluk we oli kolosap long riva o krik
- No makem bigfala Karen long saed blong river o krik.
- No katem olgeta bigfala wud long saed blong olgeta krik mo riva.
- No mekem road or haus kolosap bug solwota or riva or krik.

Spos olgeta aktiviti ya i no stap long eria blong yufala, yufala save passem mesej i go long olgeta nara komiuniti raon long yufala we oli stap praktisim olgeta fasin ya blong oli mas stopem ol fasin ya.



FISH AGGREGATING DEVICES (FADs)

- FAD, long Bislama yumi singaotem raft, oli ankarem long solwota blong pulum olgeta smol fis i kam mo semtaem atraktem olgeta bigfala fis i kam tu, blong mekem se fising aktiviti hemi kam moa isi. Hemi olsem natongtong o korel rif blong dip ples, we olgeta smol fis oli go stap haed long hem.
- FAD hemi blong kasem olgeta fis we oli flot nomo, be ino olgeta fis we oli swim long bottom blong solwota.




Hemi impoten blong mas konsalt wetem VFD bifo yufala i deployem wan FAD long eria blong yufala. From sefti blong everiwan long solwota hemi impoten tumas, mo tu data we bambae yumi kolektem aot long olgeta kaj long FAD hemi save talem long yumi wanem kaen fis nao i plante long eria ya, mo hao nao yumi save manejem long fiuja.

STORIAN

Hemi impoten blong olgeta komiuniti oli staon mo tokbaot olgeta jalenj mo eksperiens we oli stap fesem.

**Yumi save seraot long
olgeta smolsmol grup mo
yumi tokbaot olgeta jenis ya
we yumi luk i stap happen
raon long yumi?**



Seksen 3

AFTA NAOIA BAMBAE OLSEM WANEM?

Yumi nid blong toktok plante. Wanem nao yumi nid blong mekem blong impruvum fisaris manejmen blong help sapotem laef blong olgeta komiuniti raon long Vanuatu. Yumi no depen tunas long CBFM netwok we i stap finis, be yu nid blong statem wok tede i go mo buk ya bambae i helpem yu blong kamap wetem tingting blong help manejem risos blong yufala. Olgeta nara peij ya oli soem samfala komiuniti we oli no wet from aotsaed sapot blong stat manejem olgeta natongtong, si gras, korel mo olgeta nara kostol risos blong olgeta.



WANEM NAO YU SAVE MEKEM


1. GO LUK OLGETA LIDA INSAED LONG
KOMIUNITI MO ASKEM LONG WAN
FISHERIES OFISA BLONG HELPEM
YUFALA OGANAESSEM YUFALA




2. SINGAUT WAN MITING LONG VILIJ
BLONG DISKASEM WANEM NAO NEKIS
STEP BLONG PROTEKTEM OLGETA RISOS



3. I GUD YUFALA TOKTOK LONG
OLGETA SMOL GRUP BLONG MAN,
WOMAN MO OLGETA YUT BLONG
KAREM TINGTING BLONG EVERIWAN



4. STATEM TOKTOK BLONG WAN
MANEJMEN PLAN, BLONG PUTUM
AKSEN LONG OLGETA TOKTOK
BLONG YUFALA. I GUD YUFALA
TOKTOK WETEM FISHERIES OFISA
KOLOSAP LONG



*Taem yu kasem stej ya toktok long wan Fisaris Ofisa kolosap long eria blong yu.

WANEM WOK NAO OLGETA KOMIUNITI OLI STAP MEKEM

Komiuniti oli save krietem olgeta fisaris manejmen rul we i wok long komiuniti blong olgeta. From Vanuatu yumi gat jif, komiunit mo wan wan man olsem olgeta ona blong olgeta kostol risos insaed long komiuniti.

EKSAMPOL BLONG WAN NOTIS BOD BLONG MANEJMEN RUL

Eksampol blong komiuniti rul	Penalti
Ban long grin snel, krab blong sofmad, si kukumba, naura, fis, nawita, troka, pupu shell, natongtong, kaofis mo totel	Komiuniti bambae hemi putum faen blong man o woman we i brekem olgeta komiuniti rul ya
No yusum olgeta net we saes blong hem i anda 50 milimita	
No yusum olgeta smol saes huk blong fising	
Taem blong sakem net i stat long namba 5 Maj mo klos long namba 5 Oktoba everi yia	

MANEJMEN RULS

PESKARUS KOMUNITI-BES TABU ERIA

TABU ERIA STAMPA TINKTINK
"Protektem ol risos blong yumi, mo save enjoyem tele mo tumoru"

OL NARFALA RULS WE I APPLAE LONG SOLWOTA

NO YUSUM NET WE SAES BLONG HEM I SMOL BITIM 3 FINGA

NO YUSUM SMOL HUK BLONG FISING

NET I OPEN NOMO LONG 5th MAJ MO KLOS LO 5th OKTOBA

Ripotem eni man/woman we i brokem ruls blong tabu eria long jaeman blong tabu eria kommitti.

PENALTY I APPLAE LO MAN/WOMAN WE I BROKEM OL RULS YA.

Penalti

Komiuniti Manejmen rul notis bod blong Peskarus Komiuniti, Saot Malekula

WANEM WOK NAO GAVMAN I STAP MEKEM WETEM KOMIUNITI

Vanuatu Fisaris Dipatmen (VFD) mo olgeta patna blong hem oli stap wok wetem olgeta kostol komiuniti raon long Vanuatu blong help addressem isiu addressem isiu blong oltaem i mas gat kaikai

long komiuniti (fud sekiuriti) mo fasin blong yusum risos blong mekem mane mo sapotem laef long wan komiuniti (laevlihud) long wan wei we bambae i no save daonem namba blong olgeta risos.

KOMIUNITI BEIS FISARIS MANEJMEN

- VFD hemi gat wan tim we i stap sapotem olgeta komiuniti blong developem olgeta kominiuti beis fisaris manejmen plan.
Olgeta komiuniti oli save kasem help thru long Fisaris Provinsol Developmen Ofisa long provins blong yu.
- Be i gat olgeta komiunit beis fisaris netwok tu long kraon we yu save rikwes thru long olgeta.

KOMIUNITI BEIS OTORAES OFISA

- Kondaktem aweaness long Fisaris Act mo Regulesen
- Help wetem komplians mo enfosmen
- Monotarem, kontrol mo enfosmen blong olgeta loa blong fisaris
- Ripotem eniwan we i brekem loa
- Assistim VFD long eni aktiviti long eria blong olgeta

TAILS MONITA

- Olgeta komiuniti memba we oli trenem olgeta blong kolektem data blong olgeta kostol fisaris risos thru long Tails App we SPC (Pacific Community) i developem.
- Data ya oli uploadem long wan online data base mo oli verifyem
- Data ya hemi impoten blong givim wan tingting blong komiuniti i save mekem wan desisen blong manjem risos

TAILS 

DATA ENTRY APPLICATION



KOSTOL FISARIS REGULESEN

Gavman blong Vanuatu

i gat olgeta regulesen
blong stoppem fasin
blong karem tumas, o
karem stret saes blong
mekem se tumoro olgeta
risos ya oli stap yet.

Gudfala eksampol hemi
olgeta saes limit blong
naura, krab kokonas, saes
blong Troka, si kukumba
mo slipa naura, we i stap
long regulesen.

VFD i putum tu ban long
sam fasin blong kasem
fis.

**Sapos yu wantem
save moa infomesen
kontaktem Vanuatu
Fisaris Dipatmen long
fon namba 23119.**

FASIN BLONG KASEM FIS WE OLI BANNEM



Hemi tabu blong yu
daeva wetem botel gas
blong kasem fis



Hemi tabu blong yusum
cast net we saes blong net
i no kasem 2mm mo raon
blong hem i bitim 2 mita



Bannem yus blong
fanis blong fis



Tabu blong yusum drag net we
saes blong net I bitim 50mm
taem yu openem

BAN LONG TOTEL

- Tabu blong kasem, kilim, kipim, ekspotem
mo pem
- Tabu blong hambah long wan totel we I stap
go blong layem egg blong hem, o destroyem
nest blong hem
- Tabu blong karem, hollem taet, ekspot mo
pem egg blong totel

- Hollem taet wetem yu wan laef totel
- Tabu blong kivim kill, hollem taet, kilim, pem
o ekspotem eni kaen totel, stat long egg,
bebe kasem hemia we i bigwan finis



Leatherback turtle
Dermochelys coriacea



Hawksbill turtle
Eretmochelys imbricata




Green turtle
Chelonia mydas

KRAB KOKONAS, NAURA WETEM SHELL

Coconut crab

Birgus latro
Schedule 28



9cm

Banned during peak breeding season

Trochus

Tochia nilotica
Schedule 24



9cm

Trumpet triton


Charonia tritonis



BANNED

Slipper crayfish

Thenus orientalis
Schedule 23




15cm

Not carrying eggs, or removed eggs

Rock crayfish

Panulirus sp.
Schedule 22



22cm

Not carrying eggs, or removed eggs

SI KUKUMBA

- Tabu blong havestem si kukumba taem we sisen i klos
- Havesrem stret saes mo kilo blong wan wan kaen si kukumba
- Jekem drae kwota weit blong wan kaen si kukumba we oli alao blong havestem long wan eria, taem sisen hemi open
- Yu mas gat prosesing laesens blong prosesem si kukumba o pem si kukumba blong prosesem



SRF

Sefredfis | Surf redfish
Actinopyga varians

Dry: 12 cm / 30 g | Wet: 25 cm / 500 g



TF

Taikafis | Tigerfish
Boahdschia argus

Dry: 15 cm / 32 g | Wet: 30 cm / 800 g



WTF

Waet titfis | White teatfish
Holothuria fuscogilva

Dry: 16 cm / 126 g | Wet: 35 cm / 1400 g

Green snail

Turbo marmoratus



BANNED

**SI KUKUMBA LOA
I KONITINU LONG
NEKIS PEIJ...**

SI KUKUMBA



AF **Ambarfis** | Amberfish
Thelenota anax
Dry: 15 cm / 80 g | Wet: 40 cm / 1600 g



BSF **Braon sanfis** | Brown sandfish
Bohadschia vitiensis
Dry: 12 cm / 28 g | Wet: 25 cm / 700 g



ETF **Elefenfis** | Elephant trunkfish
Holothuria fuscopunctata
Dry: 20 cm / 221 g | Wet: 40 cm / 1700 g



LF **Lolifis** | Lollyfish
Holothuria atra
Dry: 10 cm / 14 g | Wet: 20 cm / 280 g



RSF **Red snekvis** | Red snakefish
Holothuria flavomaculata
Dry: 15 cm / 10 g | Wet: 30 cm / 260 g



HBF **Blakfis** | Hairy blackfish
Actinopyga miliaris
Dry: 10 cm / 34 g | Wet: 20 cm / 340 g



CHF **Jokfis** | Chalkfish
Bohadschia marmorata
Dry: 7 cm / 8 g | Wet: 15 cm / 130 g



FF **Flaoafis** | Flowerfish
Pearsonothuria graeffei
Dry: 15 cm / 19 g | Wet: 30 cm / 470 g



PNF **Pinatfis** | Peanutfish
Stichopus horrens
Dry: 10 cm / 8 g | Wet: 20 cm / 190 g



SF **Sanfis** | Sandfish
Holothuria scabra
Dry: 10 cm / 15 g | Wet: 20 cm / 300 g



BTF **Blak titfis** | Black teatfish
Holothuria whitmaei
Dry: 15 cm / 100 g | Wet: 30 cm / 1000 g



CF **Karifis** | Curryfish
Stichopus herrmanni
Dry: 15 cm / 40 g | Wet: 35 cm / 1000 g



GSF **Kolten sanfis** | Golden sandfish
Holothuria lessoni
Dry: 12 cm / 53 g | Wet: 25 cm / 660 g



PF **Pinkfis** | Pinkfish
Holothuria edulis
Dry: 10 cm / 6 g | Wet: 20 cm / 150 g



SNF **Snekfis** | Snakefish
Holothuria coluber
Dry: 20 cm / 14 g | Wet: 40 cm / 340 g



BCF **Braon karifis** | Brown curryfish
Stichopus vastus
Dry: 10 cm / 10 g | Wet: 20 cm / 260 g



DWBF **Dipwota blakfis** | Deepwater blackfish
Actinopyga palauensis
Dry: 15 cm / 79 g | Wet: 30 cm / 660 g



GF **Krinfis** | Greenfish
Stichopus chloronotus
Dry: 10 cm / 4 g | Wet: 20 cm / 150 g



PRF **Paenapolpis** | Prickly redfish
Thelenota ananas
Dry: 17 cm / 91 g | Wet: 35 cm / 1300 g



STF **Stonfis** | Stonefish
Actinopyga lecanora
Dry: 10 cm / 32 g | Wet: 20 cm / 650 g

Act blong Fisaris hemi alawem nomo olgeta we oli karem laesens blong wanem kaen fisaris oli operet follem laesens ya. Laesens hemi help blong manejem, monitarem mo kontrollem olgeta aktiviti long olgeta kostol komiuniti we oli dipen long olgeta risos ya blong karem mane aot long hem.

STEP 1: Fulumap fom blong yu*

STEP 2: Sabmitim olgeta pepa blong yu thru long Fisaris Developmen Ofisa kolosap long yu

STEP 3: Komplians oli screenim pepa blong yu

STEP 4: Fisaris hemi givim laesens blong yu o hemi no givim

*Blong olgeta fisaris investa, yu needim wan Bisnis Proposol. Kontaktem VFD bifo yu fulumap aplikesen.

Wanem kaen Laesens	Aktiviti	Fee
Local Fishing License	Lokol fishing bot we l stap nomo long Vanuatu mo oli fishing nomo long solwota blong yumi	VUV50,000 at 8m & VUV5,000 for every additional meter
Artisanal Fishing License	Olgeta smol bot we oli fishing nomo long olgeta kostol wota	VUV10,000-20,000
Sea Cucumber Processing License	Pem mo prosessem dry si kukumba blong mekem mani out long hem o meresin	VUV3,000,000
Sea Cucumber Export License	Ekspotem drae si kukumbar	VUV 3,000,000
Processing and Establishment License	Laesens we l givim yu raet blong prosessem si kukumba	VUV100,000
Marine Resource Scientific Research Permit	Satelaet tagging mo trakem wea ples olgeta totel oli stap layem egg long hem	VUV 5,000
Exploratory & Test Fishing	Fishing long Vanuatu EEZ	VUV500,000
Underwater Breathing Apparatus (UBA) Fishing License	Karem si kukumba long pepos blong risej	VUV10,000
Coconut Crab Harvest License	Coconut crab laesen	VUV130,000

IMPOTEN SIGUATERA INFOMESEN!

No kakae olgeta fish we oli kam long eria we yu save se i gat sekwitera fish posen long hem.

Fis

Sam fis we oli faenem aot se oli gat posen blong siguatera long olgeta.



Bluelined surgeon

Acanthurus nigroris



Some species of parrotfish

Scarus sp.



Blacksaddled coral grouper

Plectropomus laevis



Red snapper

Lutjanus bohar



Black-banded snapper

Lutjanus semicinctus



Blackspot emperor

Lethrinus harak



Longface emperor

Lethrinus olivaceus



Camouflage grouper

Epinephelus polyphekadion

Spesem aot taem we yu kakae olgeta difren kaen fish we yu save se i gat risk long olgeta

Stret afta we yu kafjem wan fish, kafemoat hed blong hem mo gat blong hem. Olgeta ia nao oli gat moa posen long hem.



Giant sweetlips

Plectorhinchus albovittatus



Squaretail coral grouper

Plectropomus areolatus



Yellow-edge lyretail

Variola louti



Great barracuda

Sphyraena barracuda



Giant trevally

Caranx ignobilis



Giant moray

Gymnothorax javanicus



Yellow-edged moray

Gymnothorax flavidorsalis

Fis we oli nogat bun

Invertebrates (fis we oli nogat bun) - Long Vanuatu troka, bubu shell mo natalae i gat ripot se oli save passem posen blong fis tu



Trochus

Rochia nilotica



Turban shells

Turbinidae



Giant clams

Tridacnidae



OL FIS WE OLI NOGAT BUN- LONG VANUATU TROKA, BUBU SHELL MO NATALAE I CAT RIPOT SE OLI CAT BIGFALA JANIS SE SAME RIA OLGETA SHELL YA OLI CAT POSEN YA I STAP INSAED LONG OLGETA.

YUMI TALEM. YUMI MEKEM. YUMI LUK.



KOMINIUTI OLI HELPEM OLGETA NARAFALA KOMIUNITI

Vanua-tai Risos Monita Netwok i setap long 1995 blong empawarem olgeta komiuniti blong lukaotem gud olgeta risos blong olgeta. Yu save joinem wan sab netwok kolosap long yu blong karem sapot blong hao nao yu save manejem olgeta risos long komiuniti blong yu tede.



210 RISOS MONITA

128 KOMIUNITI

26 SAB NETWOK

Photos credit: Donald Aromalo & Raymond Nasse

Contact Vanua-Tai Network: 7481918



Search: VANUA TAI RESOURCE MONITORS NETWORK

WOK TUGETA MO EDUKETEM KOMIUNITI BLONG YU

*Wanem nao yu save mekem blong statem o rivaevem
bak fisaris manejmen long komiuniti blong yu*

Visitim Eria Kaonsel o Fisaris ofisa o ofis kolosap long yu

**Lisen long radio Vanuatu long everi Tuesde naet stat long 6
kasem 7 klok blong harem lates infomesen abaot fisaris**

Follem VFD long Facebook mo Youtube channel blong hem

Kollem VFD Ofis long 23119

Lanem moa abaot Komiuniti Beis

Fisaris Manejmen long websaet ya

cbfm.spc.int

